

一句一偈一品一部一心正聞一心正持一心正思惟一心正讀誦一心為他廣說長夜安樂

合部金光明經卷第二

化二

殊大反上好也梓音浮晁反明塵翳下

計瑕穢加反惱亂上或作鹿澀下枯涸下

者篇韻只反出反果反盈溢下鞭撻反達裸

也音鼓吹下法下秉下積下接下

亦作外撮下攘却反除也親睦下順下

合部金光明經卷第三

化三

隋大興善寺沙門寶貴合

隨羅尼最淨地品第六

是時師子相無礙光炎菩薩與無量億眾從座俱起偏袒右肩右膝著地合掌恭敬頂禮佛足以種種華香寶幢幡蓋以為供養而作

是言以幾因緣得菩提心何者是菩提心世尊於菩提者現在心不可得未來心不可得過去心不可得離菩提者菩提心亦不可得菩提者不可言說心者亦無色無相無事業非可造作眾生者亦不可得亦不可知世尊云何諸法甚深之義而可得知

佛言善男子菩提秘密事業造作不可得知離菩提菩提心亦不可得菩提者不可言說心亦無相眾生亦不可得知何以故如意心亦如是如心菩提亦如是如心如菩提眾生亦如是如眾生一切三世法亦如是佛言善男子如是菩薩摩訶薩得名是心通

一切法是說菩提菩提心菩提非過去非未來非現在心亦如是眾生亦如是於如此中亦不可得何以故一切法無生故菩提不可得菩提名不可得緣覺緣覺名不可得聲聞聲聞名不可得緣覺緣覺名不可得菩薩菩薩名不可得佛佛名不可得行非行不可得

行非行名不可得於一切寂靜法中而得安住依一切功德善根而得發出是名初發菩提心譬如寶須彌山王是名檀波羅蜜因第二發心譬如大地持一一法事故是名尸波羅蜜因譬如師子臆長豪獸王有大神力獨步無畏無有戰怖如是第三心說羸提波羅蜜

因譬如風輪那羅延刀勇壯速疾如是第四心不退轉是名毗梨耶波羅蜜因譬如七寶樓觀有四階道清涼之風來吹四門如是第五心生種種功德法藏猶未滿足是名禪波羅蜜因譬如日輪光耀炎盛如是第六心能破滅生死大暗故是名般若波羅蜜因譬如

大富商主能令一切心願滿足如是第七心能令得度生死險惡道故能令得多功德寶故是名方便勝智波羅蜜因譬如月淨圓滿如是第八心一切境界清淨具足故是名願波羅蜜因譬如轉輪聖王主兵寶臣如意處分如是第九心善能莊嚴清淨佛土功德普洽廣

利一切故是名力波羅蜜因譬如虛空及轉輪聖王如是第十心於一切境界皆悉通達故於一切法自在至灌頂位故是名智波羅蜜因佛言善男子如是十種菩薩摩訶薩菩提心因佛言善男子依五種法成就菩薩摩訶薩檀波羅蜜何者為五一者信根二者慈悲三

者無求欲心四者攝受一切衆生五者願求一切智智是善男子依是五法檀波羅蜜能得成就佛言善男子依是五法菩薩摩訶薩成就尸波羅蜜何者為五一者三業清淨二者不為一切衆生作煩惱因緣三者斷諸惡道開善道門四者過於聲聞緣覺之地五者

一切功德願滿足故善男子依是五法尸波羅蜜能得成就佛言善男子又依五法菩薩摩訶薩成就羸提波羅蜜何者為五一者伏貪瞋煩惱二者不惜身命不生安樂止息之觀三者思惟往業四者為欲成熟一切衆生功德善根發慈悲心五者為得甚深無生法

忍善男子是名菩薩摩訶薩成就羣提波羅蜜佛言善男子又依五法菩薩摩訶薩成就毗梨耶波羅蜜何等為五一者與諸煩惱不得共住二者福德未具不得安樂三者一切難行不生厭心四者為欲利益一切衆生成就大慈悲攝受五者願求不退轉地善男子

是名菩薩摩訶薩成就毗梨耶波羅蜜

佛言善男子又依五法成就菩薩摩訶薩禪那波羅蜜何等為五一者一切善法攝持不散二者解脫生死二處不着三者願得神通為成就衆生善根故四者發心洗浣法界為清淨心故五者為斷衆生一切煩惱根故善

男子是名菩薩摩訶薩成就禪那波羅蜜佛言善男子又有五法菩薩摩訶薩成就般若波羅蜜云何為五一者一切諸佛菩薩聰慧大智供養親近心無厭足二者諸佛如來說甚深法心常樂聞無有厭足三者真俗勝智四者見思煩惱如是勝智能分別斷五者於

世間五明之法皆悉通達善男子是名菩薩摩訶薩成就般若波羅蜜佛言善男子又依五法菩薩摩訶薩成就方便勝智波羅蜜何者為五一者於一切衆生意欲煩惱行心悉通達二者無量對治諸法之門心皆曉了三者大慈大悲入出自在四者於摩訶波羅蜜多能修行成熟滿足悉皆願求五者一切佛法了達攝受皆悉願求善男子是名菩薩摩訶薩成就方便勝智波羅蜜

佛言善男子又有五法菩薩摩訶薩成就願波羅蜜何者為五一者於一切法本來不生不滅不有不無心安樂住二者觀一切諸法最妙一切垢清淨心得安住三者過一切相心如如無作無行不異不動安心於如四者為利益衆生事於俗諦中得安心住五者於奢摩他毗鉢舍那同時能住善男子是名菩薩摩訶薩成就願波羅蜜佛言善男子依此五法菩薩摩訶薩成就力波羅蜜何者為五

一者一切衆生心行險惡智力能解二者能令一切衆生入於甚深之法三者一切衆生往還生死隨其因緣如是見知四者於一切衆生三聚智力能分別知五者如理爲種爲熟爲脫如是說法皆是智力故善男子是名菩薩摩訶薩成就力波羅蜜

佛言善男子復有五法菩薩摩訶薩修行成就智波羅蜜何等爲五一者於一切法分別善惡具足智能二者於黑白法遠離攝受具足智能三者於生死涅槃不厭不喜具足智能四者大福德行大智慧行得度究竟具足智能五者一切諸佛不共法等及一切智智具足灌頂智能善男子是名菩薩摩訶薩成就智波羅蜜佛言善男子何者波羅蜜義行道勝利是波羅蜜義大甚深智滿足是波羅蜜義行非行法心不執者是波羅蜜義生死過失涅槃功德正覺正觀是波羅蜜義愚人智人皆悉攝受是波羅蜜義能現種種珍妙

法寶是波羅蜜義無礙解脫智滿足是波羅蜜義法界衆生界正分別知是波羅蜜義檀等及智能令至不退轉地是波羅蜜義能令滿足無生法忍是波羅蜜義一切衆生功德善根能令成熟是波羅蜜義於菩提道場佛慧十力四無畏不共法等成就是波羅蜜義生死涅槃皆是妄見能度無餘是波羅蜜義濟度一切是波羅蜜義一切外人來相詰難善能解釋令其降伏是波羅蜜義能轉十二行法輪是波羅蜜義無所著無所見無患累無異思惟是波羅蜜義是善男子初菩薩地是相前現三千大千世界無量無邊種種寶藏皆悉盈滿菩薩悉見善男子菩薩二地是相前現三千大千世界地平如掌無量無數種種妙色清淨之寶莊嚴之具菩薩悉見善男子菩薩三地是相前現自身勇健鎧仗莊嚴一切怨賊皆能摧伏菩薩悉見善男子菩薩四地是相前現四方風輪種種妙華悉皆

散灑圓滿地上菩薩悉見善男子菩薩五地是相前現如寶女人一切莊嚴其身頂上散多那華妙寶纓絡貫飾身首菩薩悉見善男子菩薩六地是相前現七寶華池有四階道金沙遍滿清淨無穢八功德水皆悉盈滿鬱波羅華拘物頭華分陀利華莊嚴其地於華池所自身遊戲快樂清淨清涼無比菩薩悉見善男子菩薩七地是相前現左邊右邊應墮地獄以菩薩力故還得不墮無有損傷無有痛惱菩薩悉見善男子菩薩八地是相前現左邊右邊師子臆長豪獸王一切眾獸悉皆怖畏菩薩悉見善男子菩薩九地是相前現轉輪聖王無量億眾圍遶供養頂上白蓋無量眾寶之所莊嚴以覆於上菩薩悉見善男子菩薩十地是相前現如來之身金色晃耀無量淨光悉皆圓滿無量億梵王圍遶恭敬供養轉於無上微妙法輪菩薩悉見善男子云何初地而名歡喜得出世心昔所

未得而今始得大事大用如意所願悉皆成就大歡喜慶樂故是故初地名爲歡喜一切微細之罪破戒過失皆清淨故是故二地說名無垢地無量智慧光明三昧不可傾動無能摧伏聞持陀羅尼爲作本故是故三地說名明地能燒煩惱以智慧火增長光明是修行道品依處所故是故四地說名炎地是修行方便勝智自在難得故見思煩惱不可伏故是故五地說名難勝地行法相續了了顯現故無相多思惟了了現前故是故六地說名現前地無漏無間無相思惟解脫三昧遠修行故是地清淨無障無礙是故七地說名遠行地無相正思惟修得自在故諸煩惱行不能令動故是故八地說名不動地說一切種種法而得自在無患累故增長智慧自在故是故九地說名善喜地法身如虛空智慧如大雲能令遍滿覆一切故是故第十名法雲地初地欲行有相道是無明障礙生死怖

畏無明故是初地障礙微細罪過因無明種種業行相因無明故是二地障業所未得勝利得故動涌因無明故不具間持陀羅尼因無明是二無明說三地障味禪定樂生愛著心無明作因是四地障一意欲入涅槃思惟一意欲入生死思惟是涅槃思惟是生死思

惟無明為因生死涅槃不平等思惟無明為因是第五地障行法相續了了顯現無明為因法相數數行至於心無明為因是第六地障微細諸相或現不現無明為因一味執思惟欲斷未得方便無明為因是七地障於無相法多用功力無明為因執相自在難可得

度無明為因依二種薩心是八地障說法無量名味句無量智慧分別無量未能攝持無明為因四無礙辯未得自在無明為因依二種薩心是第九地障最大神通未得如意無明為因微妙秘密之藏修行未足無明為因依二種薩心是第十地障一切境界微細智礙無

明為因未來是礙不更生未得不更生智無明為因是如來地障是善男子於初菩薩地行向檀波羅蜜於二地行向尸波羅蜜於三地行向羸提波羅蜜四地行向毗梨耶波羅蜜五地行向禪那波羅蜜六地行向般若波羅蜜七地行向方便勝智波羅蜜八地行向

願波羅蜜九地行向力波羅蜜十地行向智波羅蜜善男子菩薩摩訶薩初發心名妙寶起三摩提攝受得生第二發心可愛住三摩提攝受得生第三發心難動三摩提攝受得生第四發心不退轉三昧攝受得生第五發心寶華三昧攝受得生第六發心日圓光炎

三昧攝受得生第七發心一切願如意成就三昧攝受得生第八發心現在佛現前證住三昧攝受得生第九發心智上三昧攝受得生第十發心首楞嚴摩伽三昧攝受得生善男子是諸菩薩摩訶薩十種發心善男子菩薩摩訶薩於此初地依功德力名

陀羅尼得生爾時世尊而說呪曰

唵姪他<sup>奇</sup>富樓拏 那羅提 豆吼 豆吼豆

吼 耶跋修瑜 烏婆娑底 耶跋 旃陀 魯提

俞多底 唵跋駱懺檀地波 復訶嵐苟留莎訶

善男子是陀羅尼名過一恒河沙數諸佛為

救護初地菩薩誦持此陀羅尼呪得度脫一

切怖畏一切惡獸一切惡鬼人非人等災橫

諸惱解脫五障不忘念初地善男子諸菩薩

摩訶薩於此二地善安樂住名陀羅尼得生

唵啞他鬱闍禍戾盲履盲履 鬱社羅南

禪斗禪斗 鬱社禍離 吼柳吼柳 莎訶

善男子是陀羅尼名過二恒河沙數諸佛為

護二地菩薩誦持此陀羅尼呪得度脫一切

怖畏一切惡獸一切惡鬼人非人等怨賊災

橫諸惱解脫五障不忘念二地善男子菩薩

摩訶薩於此三地難勝大力名陀羅尼得生

唵啞他 檀陀枳般陀枳 柯羅智 高懶

智 枳由罽 檀知罽 莎訶

善男子是陀羅尼名過三恒沙諸佛為救護

三地菩薩誦持陀羅尼呪得度脫一切怖畏

一切惡獸虎狼師子一切惡鬼人非人等怨

賊災橫諸有惱害解脫五障不忘念三地

善男子菩薩摩訶薩於此四地大利益難壞

名陀羅尼得生

唵啞他 尸利尸利 陀彌拏陀彌拏 陀

履陀履拏尸履尸履拏 陸捨邏婆細波豕

那盤陀底 莎訶

善男子是陀羅尼名過四恒河沙諸佛為救

護四地菩薩誦持陀羅尼得度一切怖畏一

切惡獸虎狼師子一切惡鬼人非人等怨賊

災橫及諸毒害解脫五障不忘念四地

善男子菩薩摩訶薩於此五地種種功德莊

嚴名陀羅尼得生

唵啞他 訶里訶里拏 遮履遮履迦羅摩

拏 僧迦邏摩拏 三婆訶沙拏剌婆訶拏

悉軌婆訶拏 謨訶拏 莎瑛部吼陸莎訶

善男子是陀羅尼名過五恒河沙諸佛為救  
護五地菩薩誦持陀羅尼得度一切怖畏一  
切毒害虎狼師子一切惡鬼人非人等怨賊  
災橫諸有惱害解脫五障不忘念五地  
善男子是菩薩摩訶薩於此六地圓智等名  
陀羅尼得生

哆啞咤 毗頭訶 毗頭訶 摩履捉 柯履  
柯履 苾頭誘訶底 溜溜溜溜音轉周柳  
周柳 杜魯婆杜魯婆 遮遮遮者婆婆薩  
活私底 薩婆薩埵悉南 彌斗曼多羅  
波拖 莎訶  
善男子是陀羅尼名過六恒河沙諸佛為救

護六地菩薩誦持陀羅尼得度一切怖畏一  
切毒害虎狼師子一切惡鬼人非人等怨賊  
災橫諸有惱害解脫五障不忘念六地善男子  
菩薩摩訶薩於此七地法勝行名陀羅尼得生  
哆啞咤 閣訶 閣訶漏 閣訶 閣訶漏  
鞞柳 鞞柳 阿蜜多邏伽訶多捉婆力

灑捉 鞞柳 恥枳 婆柳波底 鞞提喜枳  
頻陀 鞞履捉 蜜栗咀底枳 蒲蒂蒲蒂莎訶  
善男子是陀羅尼名過七恒河沙諸佛為救  
護七地菩薩誦持陀羅尼得度一切怖畏  
一切惡獸虎狼師子一切惡鬼人非人等怨賊  
毒害災橫解脫五障不忘念十地善男子菩

薩摩訶薩於此八地無盡歲名陀羅尼得生  
哆啞咤 死履死履 始履始履 寐底  
柯履柯履 訶履訶履 醯柳醯柳 周柳  
周柳 伴陀寐 莎訶  
善男子是陀羅尼名過八恒河沙諸佛為救  
護八地菩薩誦持陀羅尼得度一切怖畏一

切惡獸虎狼師子一切惡鬼人非人等怨賊  
毒害災橫解脫五障不忘念八地善男子菩  
薩摩訶薩於此九地無量門名陀羅尼得生  
哆啞咤 訶底六履旃地履枳 俱嵐 婆  
邏梯 斗邏死 拔吒拔吒死 死履死履  
柯死履 柯補修履 薩活私底 薩婆薩



埵南 莎訶

善男子是陀羅尼名過九恒河沙諸佛為救護九地菩薩誦持陀羅尼得度一切怖畏一切惡獸虎狼師子一切惡鬼人非人等怨賊毒害災橫解脫五障不忘念九地善男子菩薩摩訶薩於此十地破壞堅固金

剛山名陀羅尼得生

哆啞池 悉提醯修悉提醯 婁者祢婁差 祢 毗目底 阿摩訶 毗摩訶 涅摩訶 普伽訶 喜懶若伽賴陞 刺那伽賴陞 娑曼及跋陀提訶 薩跋刺他娑陀提 摩那死摩訶摩那死 過部吼底 過哲部吼

底 婆邏提毗邏提 過周底 阿美里底 阿羅是 毗羅是 婆覽訶寐志已 婆覽訶未 富婁祢 富婁那摩怒邏體 莎訶 善男子是陀羅尼灌頂吉祥句名過十恒沙諸佛為救護十地菩薩誦持陀羅尼得度一切怖畏一切惡獸虎狼師子一切惡鬼人

非人等怨賊毒害災橫解脫五障不忘念十地是時師子相無礙光炎菩薩即從坐起偏袒右肩右膝著地合掌恭敬頂禮佛足即以偈誦而讚嘆佛

敬禮無譬喻 說深無相義 眾生妄想見 世尊能濟度 世尊佛眼故 無見一法相

無上尊法眼 見不思議義 不能生一法

亦不滅一法 為平等見故 尊至無上處

不損生死故 願尊證涅槃 過二法見故

是故證寂靜 世尊智一味 淨品不淨品

不分別界故 獲無上清淨 世尊無邊身

不說一言字 一切弟子眾 飽滿法雨故

眾生相思惟 一切種皆無 困苦諸眾生

世尊普救濟 苦樂常無常 有我無我等

如是眾多義 世尊慧無著 世間不一異

譬如空谷響 不度亦不滅 唯佛能了知

法界無分別 是故無異乘 為度眾生故

分別說三乘

是時大自在梵王於大會中從座而起偏袒  
右肩右膝著地合掌恭敬頂禮佛足而白佛  
言世尊希有難量是金光明經微妙之義究  
竟滿足皆能成就一切佛法一切佛恩佛言  
如是如是善男子如汝所說善男子若得聽  
聞是金光明經一切菩薩不退阿耨多羅三

藐三菩提何以故善男子是不退地菩薩成  
熟善根是第一印是金光明微妙經典衆經  
之王故得聽聞受持讀誦何以故善男子若  
一切衆生未種善根未成熟善根未親近諸  
佛不得聽聞是金光明經善男子是金光明  
經以聽聞受持故是善男子善女人一切罪

障悉能除滅得持清淨常得見佛不離世尊  
常聞妙法常聽正法生不退地師子勝人而  
得親近不相遠離無盡無減海印出妙功德  
陀羅尼無盡無減衆生意行言語通達陀羅  
尼無盡無減日圓無垢相光陀羅尼無盡無  
減滿月相光陀羅尼無盡無減能伏一切惑

事功德流陀羅尼無盡無減破壞堅固金剛  
山陀羅尼無盡無減說不可說義因緣截陀  
羅尼無盡無減真實語言法則音聲通達陀  
羅尼無盡無減虛空無垢心行印陀羅尼無  
盡無減無邊佛身能顯現陀羅尼善男子如  
是諸陀羅尼等得成就故菩薩摩訶薩於十

方一切佛土諸化佛身說無上種種正法於  
法如如不動不去不來善能成熟一切衆生  
善根亦不見一切衆生可成熟者說種種諸  
法於諸言辭不動不去不住不來能現生滅  
向無生滅說諸行法無所去來一切法無異  
故說是金光明經已三萬億菩薩摩訶薩得

無生法忍無量諸菩薩不退菩提心無量無  
邊比丘得法眼淨無量衆生發菩提心是時  
世尊而說偈言

逆生死流道 甚深微難見 貪欲覆衆生  
愚冥暗不見

是時大會之衆從座而起偏袒右肩右膝著

地合掌恭敬頂禮佛足而白佛言若有處處  
 講宣此金光明經是會大衆皆悉往彼爲作  
 聽衆是說法師種種利益安樂無障身心泰  
 然我等皆當盡心供養今諸聽衆安隱快樂  
 是所國土無諸怨賊恐怖之難無飢饉畏無  
 非人畏人民興盛是說法處一切諸天人非  
 人等及諸衆生不得從上而過汗漫說法之  
 處何以故說法之處即是其塔善男子善女  
 人應當以諸香華繒綵幡蓋供養是說法處  
 我等爲作救護利益消除一切障礙隨其所  
 須如意供給悉令具足  
 佛言善男子如是汝等應當精勤修行如此  
 經典則法久住於世

合部金光明經卷第三

化

臆音憶 羸音羸 提上初 普反丁 洽反丁 洗反丁 浣反丁  
 伴音伴 詰音詰 難音難 下反丁 去反丁 聲反丁 鎧反丁 仗反丁 改反丁 若反丁 涌反丁 勇反丁 哆反丁 啞反丁 可反丁 反反丁

下反丁 捏反丁 履反丁 又反丁 跋反丁 蒲反丁 末反丁 瑜反丁 俞反丁 施反丁 元反丁 音反丁 士反丁 可反丁  
 反反丁 嵐反丁 卽反丁 苟反丁 塔反丁 莎反丁 蘇反丁 和反丁 戾反丁 帝反丁 积反丁 居反丁 支反丁 反反丁 又反丁  
 柯反丁 歌反丁 詈反丁 智反丁 邏反丁 卽反丁 賀反丁 承反丁 式反丁 育反丁 刺反丁 時反丁 涂反丁 撒反丁 元反丁 音反丁 立反丁  
 反反丁 嗔反丁 下反丁 良反丁 一反丁 反反丁 苾反丁 類反丁 必反丁 溜反丁 反反丁 救反丁 垂反丁 丁反丁 果反丁 鞞反丁 步反丁 迷反丁 栗反丁  
 反反丁 未反丁 下反丁 丁反丁 達反丁 反反丁 苾反丁 之反丁 九反丁 醯反丁 乎反丁 兮反丁 梯反丁 他反丁 兮反丁 拔反丁 毗反丁 亦反丁 曹反丁  
 反反丁 莫反丁 登反丁 刺反丁 卽反丁 達反丁 過反丁 烏反丁 割反丁 繒反丁 綵反丁 陵反丁 上反丁 自反丁

合部金光明經卷第四

化

隋大興善寺沙門 寶貴合入

讚歎品第七

爾時佛告地神堅牢善女天過去有王名金  
 龍尊常以讚歎去來現在諸佛  
 我今尊重敬禮讚歎 去來現在十方諸佛